



# Wavel pe panik

**L**anmans pwalon in so Lankor. Wavel pe dous parey toupri lo ron.

Kote ou ete e ki ou pe fer letan ki Prezidan Faure pe travay pour sa pep?

Dir ek Seselwa Wavel, ler ou voyaze, eski ou al rode pour Seselwa? Kwa ki ou'n anmenen pour ed sa pep avek ziska prezan?

Prezidan Faure pe enplimant en kantite proze devlopman sirtou son proze lakaz ki pe al vremen byen. Partou dan gouvènmant dimoun pe travay. Pei pe bouze. Prezidan pe ganny en kantite sipor avek nou bann pei zanmi. Sa bann striktir gouvènmant ki ou pe dir pa pe fonksyonnen, par mazorite se bann dimoun ki ti kont gouvènmant ki dirize e ou ankò

war pa bon? Prezidan Faure in anmenn tou Seselwa ansanm pour ver avanse sa pei.

I pe travay avek bonn gouvènmans e dan latransparans. I rann kont lepep son travay. Pa parey kot Lasanble kot Spiker i asiz dan 'caucus meeting' LDS e kree konfli lenter e dan son travay. Dan zot lenbesilite zot pibliy portre dan 'Hebdo' pour nou tou war. Zot fer fot akòz zot lipokrizi. Apre LDS i ganny lodas koz lo latransparans e bonn gouvènmans?

OU, koman Lider Lopozisyon fodre ki ou aret servi sa pozisyon pour manipil lespri dimoun. Aret donn lenpresyon ki ou bon e tou lezot i move. Aret krwar ki ou parfe. Aret donn lenpresyon ki dan sa pei zis ou

ki travay. Toutfason ki ou fer? Pandan 42 an sa pei pe bouze.

Wavel, ler ou santi ou dan en serzwen ek ou prop dimoun dan lopozisyon, pa tir ou lakoler lo Prezidan Faure. Ler ou pe ganny challenge pour fer fas avek sitiasyon ki lopozisyon in kree tel ki zot lenterferans ek zafer El Materi, pa vir ou latansyon lo Prezidan Faure.

Ou'n ganny dir ki sa i zis bouton.

Les Prezidan Faure kontinyen debrouye pour Seselwa. E si ou tro mansipe, mazine ki sa de eleksyon a kapab ganny fer ansanm, e wa dir bye-bye sa gro sonm 1.6 milyon rounpi ki ou pou ganyen an 2021. Oswa ou tanpi sa a pas koman delo lo vey sonz?

# Vey devan ou laport

**L**ider Lopozisyon pe koz lo larzan tou dimoun, selman i pa koz lo larzan bann MNA. I decide target Saeed kot Nouvobanq ek Morin CEO PUC pour li fer politik, pour kasyet desizyon malis LDS pour demann governman pour aret sibvansyon bann lakonpanyen paraetatik tel ki PUC ek SPTC. Menm si Ramkalawan pou fer politik ek tarif PUC, sa lakonpanyen pe antreprann en kantite proze ki pou benefisyé Seselwa. Ler drayver pikep i demann 285 milyon roupi pour cours pikep pour agrandi danm La Gogue, Ramkalawan i reste trankil? Ler pour met nou pei otaz i

korek avek? Ler pour develop nou pei, i fer politik?

Fye li pour toutan rod larzan en lot dimoun olye dir ek lepep Seselwa ki li koman Lider Lopozisyon i rekolte lo ledo Seselwa dan Lasanble kot zot pil lo tou dimoun.

Sa landrwa kot lontan dimoun ti lapes makanbale ek bekin, ki nou governman in konble pour ganny later pour developman ki ou ti kont, ozordi ou asize pour imilye lezot.

Tou MNA i ganny en gro saler. Wavel i rekolte pre 100 mil roupi ek allowance ki i gannyen lo bann komite. Zot ganny "Constituency allowance" 17 mil roupi tou le mwan, "clothing allowance" 10 mil roupi par lan-

nen. Wavel i ganny larzan pour sekirite vey kot li. Leta i pey bodigard ek drayver pour li. Son lofis i ganny en gro bidze. I voyaze tou lazournen lo Lasanble i ganny en kantite larzan (per diem). E tou MNA i ganny konsesyon duty free pour zot loto. Zis en MNA Parti Lepep ki'n servi son konsesyon ek sa 6enm Lasanble tandis ki 5 a 6 MNA LDS in servi.

Ramkalawan, olye target lezot, olye tir ou lakoler lo Prezidan Faure ler ou santi ou anba presyon, tenir ou lekor. Tou fason ou dominer pa fer person per. Aret kontan reazir ler ou ganny pike. Ou fer ou lekor ek LDS plis domaz.

**ASTE OU KOPI PEOPLE.  
EDIK OU LEKOR**



Produced, Published by the **PARTI LEPEP.**

Tel: 428 49 00 P.O.Box 1242, Victoria, Mahe, Seychelles. Printed By **NISA PRESS.**